


LANGUENTIBUS IN PURGATORIO

Hymnus (XII sec.)

VI  Cantus Selecti, 1957, pag. 158*

Anguénti-bus in Purga-tór-i- o, Qui purgántur ardó-re ními- o, Et torquéntur grá-vi



supplí-ci- o, Subvé-ni- at tú- a compássi- o: O Ma-rí- a.

2. Fons es pátens qui cúlpas ábluis,
Omnes júvas et núllum réspuis:
Mánum túam exténde mórtuis,
Qui sub poénis lánguent continuis: O María!
3. Ad te píe suspírant mórtui,
Cupiéntes de poénis éruí,
Et adésse túo conspéctui,
Aeternísque gáudiis pérfrui: O María!
4. Geméntibus Máter accélera,
Pietátis ostende víscera:
Illos Jésu per súa vúlnera
Ut sanáre dignétur ímpetra: O María!
5. Tu véra spes ad te clamántium :
Ad te clámat túrba sodálium,
Pro frátribus ut pláces Fílium,
Et caeléste det éis praémium: O María!
6. Fac lácrimae quae bóna réspicis,
Quas fúndimus ad pédes Júdicis,
Mox exstínguant vim flámmae víndicis,
Ut jungántur chóris angélicis: O María!
7. Et cum fíet strícta discússio,
In treméndo Déi judício,
Judicánti súpplíca Fílio,
Ut cum Sánctis sit nóbis pórtio: O María! Amen.